

Bosnia and Herzegovina
Federation of Bosnia and Herzegovina

CANTON SARAJEVO
Ministry of Physical Planning Construction and
Environmental Protection

Broj: 05/01-05-38844-95/19 RA
Sarajevo, 05.12.2019. godine

SKUPŠTINA KANTONA SARAJEVO
- o v d j e -
n/r Elmedin Konaković, predsjedavajući

PREDMET: Odgovor na zastupničku inicijativu – zastupnica Admela Hodžić, dostavlja se

Zastupnica u Skupštini Kantona Sarajevo Admela Hodžić, na 14. Radnoj sjednici Skupštine Kantona Sarajevo, održanoj dana 30.10.2019. godine, u okviru tačke Dnevnog reda "poslanička/zastupnička pitanja, inicijative i odgovori", pokrenula je inicijativu, kako slijedi:
"Pokrećem inicijativu prema Ministarstvu prostornog uređenja, građenja i zaštite okoliša da donese odluku kojom će naložiti da se važeći cjenovnici usluga za posjetitelje Kantonalne javne ustanove za zaštićena prirodna područja dopune:

1. *RVI - ne plaća se uz dokument,*
2. *Porodice šehida i poginulih boraca - ne plaća se uz dokument,*
3. *Osobe za invaliditetom - ne plaća se uz dokument.*

Molim nadležne da što prije razmotre ovu inicijativu i pristupe donošenju odluke kojom bi se naši sugrađani koji pripadaju ovim kategorijama stanovištva osjećali dobrodošlim na ovako lijepim mjestima u našem Kantonu."

ODGOVOR:


U funkciji pripreme odgovora na zastupničku inicijativu, dana 13.11.2019. godine obratili smo se Kantonalnoj javnoj ustanovi za zaštićena prirodna područja zahtjevom za davanje mišljenja, imajući u vidu da je Programom rada Ustanove za 2019. godinu planirana priprema novih cjenovnika ulaza i usluga u zaštićenim prirodnim područjima Kantona Sarajevo, a koje usvaja Upravni odbor i na koje saglasnost daje ovaj organ. Mišljenje Ustanove broj:07-3-991-2/19 od 19.11.2019.godine dostavljamo u prilogu.

S poštovanjem,


Prilog: kao u tekstu

Dostaviti:

- ☉ Naslov
- Stručna služba Vlade Kantona Sarajevo, ovdje
- Evidencija
- a/a



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031
Sarajevo, Reisa Džemaludina Čauševića 1





KANTON SARAJEVO
Kantonalna javna ustanova
za zaštićena prirodna područja

CANTON SARAJEVO
Cantonal Public Institution
for Protected Natural Areas

Broj: 07-3-991-1/19
Sarajevo, 19.11.2019. godine

Bosna i Hercegovina
Federacija Bosne i Hercegovine
KANTON SARAJEVO

Ministarstvo prostornog uređenja, građenja i zaštite okoliša Kantona Sarajevo
Sektor zaštite okoliša
Ul: Reisa Džemaludina Čauševića broj 1,
71 000 Sarajevo

PREDMET: Mišljenje po zastupničkoj inicijativi /veza Vaš broj i datum, 05/01-05-38844-95/19 RA od 13.11.2019. godine dostavlja se

Dana 13.11.2019. godine Kantonalna javna ustanova za zaštićena prirodna područja zaprimila je dopis -Mišljenje na zastupničku inicijativu skupštinske zastupnice Admele Hodžić. Skupštinska zastupnica inicijativnom je zatražila da Ministarstvo donese odluku kojom će se naložiti dopuna važećih cjenovnika usluga za posjetioce zaštićenih prirodnih područja kojima upravlja ova javna ustanova, tako da određenim kategorijama stanovništva (RVI, porodice šehida i poginulih boraca i osobe s invaliditetom) omogući besplatan ulaz.

Dopisom Ministarstva se traži da Javna ustanova iznese mišljenje, pogotovo imajući u vidu da je Programom rada Kantonalne javne ustanove za zaštićena prirodna područja za 2019. godinu planirana priprema novih cjenovnika ulaza i usluga u zaštićena prirodna područja Kantona Sarajevo. Važećim Cjenovnikom ulaznica i drugih usluga na području Zaštićenog pejzaža "Bijambare" su dati benefiti za učenike, studente, invalidne osobe, penzionere. Cjenovnikom ulaznica za posjetu Spomeniku prirode "Vrelo Bosne" je također utvrđen besplatan ulaz za djecu do 6 godina starosti, osobe s poteškoćama u razvoju, djecu bez roditeljskog staranja, naučne i obrazovne institucije nevladinog sektora koji se bave zaštitom okoliša uz prethodnu saglasnost Upravitelja.


Po navedenom očitujemo se da je ova javna ustanova u fazi izrade novih cjenovnika usluga za posjetioce zaštićenih prirodnih područja po uzoru na usluge u zaštićenim prirodnim područjima u regionu, iz razloga što su po važećim cjenovnicima cijene ulaza i usluga bazirane na socijalnim a ne ekonomskim parametrima.

Stoga predlažemo da se na nivou Kantona Sarajevo zauzme jedinstven stav po pitanju benefita za populaciju RVI, porodice šehida i poginulih boraca i osobe s invaliditetom tako da se iznađe način korištenja usluga od strane svih pravnih lica koja korisnicima nude usluge kao npr. usluge korištenja Trebevičke žičare, ulaza u Pionirsku dolinu i sl., posjete Tunjevača i sl.

S poštovanjem,

Dostaviti:

1. Naslovu
2. Arhivi Javne ustanove



Osman Delić